

國家圖書館分館編

清代孤本方志選

(第二輯二十五冊)

福建

福清縣志〔康熙〕十二卷(一)

康熙壬子年重修

福清縣志

奉
部文授梓

康熙壬子年重修

福清縣志

奉
部文授梓

福清縣舊志序

夏禹貢周職方氏志始也
王會三輔爲圖方輿寰宇
輿地代且數家續之迨
皇明一統志始備焉夫志
亦國之史也夫子悼杞宋

之無徵由文獻之不足則
夫一邑之志政治之得失
官師之淑慝後煩簡而民
疾苦于是乎徵其亦未可
忽也福清爲七閩地自宋
建隆歷于今五百有餘年

矣其更延因革簡編紀載
希濶寥寂宋先賢林亦之
黃鶚著有玉融志已漸滅
無傳嘉靖癸巳冬適大叅
龍山陳公分守遇宏路諭
邑令朱君冕曰福清巨邑

志以稽文獻宜乘時舉之
令以有志未遑對公曰攷
覽山川表章文物守土者
之責也其可曰簿書之不
閑而缺於訓方之簡諭令
以蕭寒谷林先生文章氣

節立言足徵盍請董厥成
令奉命惟謹謀之司訓方
君俶黃君陞槩邑庠諸生
僉忻然從事遂命邑丞周
濶往請于甲午閏二月寒
谷公至玉融寓聖蹟寺始

事斯役旁搜窮討揆天道
質人情叅古證今鴻纖畢
舉歷六十四日而志成爲
卷有十于建置疆域知其
勝于城市風俗知其通于
戶口貢賦知其核于物產

水泉知其利于兵防政典
知其密于宦績人文知其
勸于廟制秩祀知其正于
仙釋禱志知其變嚴而公
約而盡質而不浮其間有
升落去取而默寓激勸歆

發合政與化而聯綴協偶
之其固有史之義歟寒谷
學正而識精吾固知其言
之足以資後無疑也嗣是
而生于斯官于斯者因之
而監觀興起以爲程身治

人之法其于政化豈小補
哉然則是志也官之規民
之鑑而于今

聖謨神化寔有攸助焉豈
僅一邑之史已耶故不辭
而爲之序

嘉靖甲午仲夏之吉



賜進士第前通議大夫兵


部右侍郎兼都察院右

僉都御史奉

勅提督兩廣軍務兼理巡

撫中省吾林富撰





福清縣志序

福清海上之巖邑也其幅
員之廣戶口之蕃章縫之
衆賦稅之贏蓋閩中罕儼
焉勝國之時為州至

序

一